

D E D I C A T I O.

vbt / besonders auch in Mathematischen Wissenschaften
 den Kern ergriffen / vnd zu disem allem die beste occasion
 bey der weit vnd breit berühmten Kriegsschul der Nider-
 landen / schleinig advertirt, zu Wasser vnd zu Land ganz
 Herrschafft gebraucht / vñ dahero alles / was zu Kriegs vnd
 Fridenszeiten / ein wolerfahrner Patriot dē gemeinen Vat-
 terland zulaisten schuldig / auß vielfaltiger experienz, wo
 es von nöten / scheinen zulassen vermögt ist. Nichtweniger
 der Herz Schwager / das Edle Italien fast die mehrere Zeit
 seines Lebens durch / also excolirt, daß er darinnen nit al-
 lein das viellöbliche / vnd liebliche Studium manigfaltiger
 Sprachen / sondern auch andere admiranda derselben Lan-
 den / an Gebäwen / Sitten / Gebräuchen / Wissenschaften /
 vnd Künsten / auch was wolständig / vñ nötig beeder zeiten
 Fridens vnd zu Widerwertigkeiten / zu Wasser vnd zu Land
 also erfahren / dz er derohalben vnter die recht discrete Pas-
 sagieri, von rechtswegen rühmlichen zuzehlen; auch noch
 heutigs Tags von wolbesagtem Beginnen nit außzusetzen /
 sondern stetigs darvon mit grossen contento, vnd Satisfa-
 ction zu discurrirn, vñ darmit sich zuerlustigen pflegt. Von
 welchem pass aber / gebührender Beschaidenheit nach / für
 dismal ich ein mehrers zu referirn vnterlasse / anderer ge-
 liebten Gelegenheit hierzu erwartend. Jedoch / vnd damit
 dann ja disz mein viertes scriptum, mit rechtschaffnen / hier-
 innen wol erfahrenen Mantnidorn vñ Patronen versehen
 werde / hat mich das mit wenigem angerührte billiche da-
 hin vermögt / zu solchem officio den Herren / Bettern / vnd
 Schwagern zuerkisen; Welche ich hiemit dienstliches Fleiß
 ersuchen thu / mir disen favor nit zu verwaigern / vnd Ge-
 genwertig mein offert, als hochverständige Assertores, in
):C ij wol